



Broj: 01-2-5/14
Sarajevo, 06.01.2014. godine

MEDIJIMA

Predmet : Saopštenje za javnost

Produženje mjera za reprogram kreditnih obaveza u 2014.godini

Agencija za bankarstvo FBiH donijela je Odluku o produženju privremenih mjera za reprogram kreditnih obaveza fizičkih i pravnih lica u bankama, a sve u cilju olakšanja izmirivanja obaveza dužnika. Rok za podnošenje zahtjeva za reprogram produžen je za narednih godinu dana, odnosno do 31.12.2014.godine.

Reprogramom, odnosno restrukturiranjem kreditnih obaveza smatra se produženje krajnjeg roka za otplatu kredita najmanje 12 mjeseci čime se smanjuju rate kredita.

U cilju ublažavanja posljedica globalne finansijske krize, građanima i pravnim subjektima je još od 2009.godine data mogućnost da podnesu zahtjev za reprogramiranje kreditnih obaveza ukoliko su, između ostalog, ostali bez posla, ili zbog značajnog smanjenja ili neurednog primanja plaće, pod uvjetom da dužnik nema kašnjenje duže od 90 dana u otplati kredita koji se restrukturira.

Prema pokazateljima o ukupnom nivou reprogramiranih kredita u posljednja tri kvartala 2013.godine, reprogramirani krediti na dan 30.09.2013.godine iznosili su 43 miliona KM. Iako rezultati i efekti primjene Odluke nisu značajni, smatramo da je donošenje ovakvog propisa bilo izuzetno važno, odnosno ovakvih mjera privremenog karaktera u uslovima izraženog djelovanja finansijske i ekonomske krize i na finansijski i na realni sektor u F BiH bilo je nužno, te je imalo pozitivan efekat na dužnike, olakšavajući im servisiranje dugova u skladu s njihovim platežnim mogućnostima. Stoga je prolongiranje primjene Odluke i u 2014. godini opravdano, posebno zbog činjenice da uslovi poslovanja nisu značajno poboljšani.

URED FBA ZA INFORMISANJE